



## INATSIARTUT ATAATSIINNERISA AVATAANNI ANGALAARUNNEQARNERIT PILLUGIT TAKORNARIALERISUNUT NAJOQQUTASSIAQ

### **Inatsisartunut pulaarneq pillugu nalinginnaasumik paasisutissat**

Inatsisartut ataatsimiinnerisa avataanni akiliisitsiviunngitsumik angalaarunneqarluni pulaarnissamut periarfissaqarpoq. Ataatsimiinnerit nalaanni angalaarunneqarluni pulaarnissamut periarfissaqanngilaq, innuttaasulli tamarmik Inatsisartut ataatsimiittarfiannut isersinnaapput Inatsisartullu ataatsimiinneri malinnaavigisinnaallugit. Qaqugukkut ataatsimiittoqarnersoq nittartakkami takuneqarsinnaavoq.

Angalaarunneqarnermut ilaapput Inatsisartut ataatsimiittarfiannut ilaasortallu kaffisortarfiannut pulaarneq, soorlu aamma pulaartut tamanna kissaatigippassuk Inatsisartuni sulineq pillugu paasisutissiissutitut filmiliaq minuttinik tallimanik sivilissusilik takuneqarsinnaasoq.

Inunnik ataasiakkaanik angalaarussinerit eqqarsaatigalugit siumut

isumaqatigiissuteqareernissaq piunasaqaataanngilaq, tamannalu sapaatip akunneranut ulluni nalinginnaasuni tallimani nal. 13.00 saaffiginnittarfiannut takkunnikkut pisarluni.

### **Takornarniartitsisartunut takornarnianilluunniit angallassisartunit angalatitsinerminnut atatillugu Inatsisartuni angalaarunneqarnermik neqerooruteqartartunut najoqqutassat**

Kikkut pulaartuunerat apeqqutaatinnagu Allattoqarfimmi sulisut kisimik angalaarussisinnaammata angalaarnernik aqqissuussisartut tikeraat peqatigalugit pulaannginnerminni Allattoqarfimmut attaveqarnissaat pingaaruteqarpoq. Taamatut angalaarunneqarnermut suut naatsorsuutigineqarnersut sukumiinerusumik paasisutissiissutigissallugit aamma pisariaqarpoq.





## **Inatsisartunut pulaarnermi pulaartunut ileqqorissaarnissamut malittarisassat**

Inatsisartunut pulaarnermi ileqqorissaarnissamut malittarisassat tulliuttut atuupput:

- Angalaarunneqarnermi assiliisoqarsinnaavoq.
- Inatsisartut ataatsimiittarfianni ilaasortat issiaviisa akornanniittoqaqqusaanngilaq pulaartullu Inatsisartut ataatsimiittarfianni sumiiffinni innersuussaniissallutik
- Angalaarunneqarnermi nerisassanik najugassanilluunniit nassartoqaqqusaanngilaq Inatsisartullu ataatsimiittarfiannut eqqussisoqaqqusaanani

## **Pulaartutut allagartaq**

Pulaartut takkunnerminni saaffiginnittarfimmi nalunaarsorneqassapput. Nalunaarsorneqarnermi pulaartup sumiuussusia nalunaarsorneqassaaq. Pulaartut tamatuma kingorna angalaarunneqarnerup ingerlanneqarnerani takuneqarsinnaasumiittussamik allagartalerneqassapput. Pulaartutut allagartaq pulaarnerup naammassinerani sulisunut tunniunneqassaaq.

Uunga e-mailimut saaffiginnittoqarsinnaavoq:

[arnja@ina.alla.gl](mailto:arnja@ina.alla.gl)

uunga assilinera ilanngullugu:

[inatsisartut@inatsisartut.gl](mailto:inatsisartut@inatsisartut.gl)

